

太上感應篇節要

淨空學

1. 太上曰：禍福無門，惟人自召。
2. 善惡之報，如影隨形。
3. 是道則進，非道則退。
4. 積德累功。
5. 慈心於物。
6. 忠孝友悌。
7. 正己化人。
8. 矜孤恤寡，敬老懷幼。
9. 宜憫人之凶，樂人之善。
10. 濟人之急，救人之危。
11. 見人之得，如己之得。見人之失，如己之失。
12. 不彰人短，不炫己長。
13. 遏惡揚善。
14. 推多取少。
15. 受辱不怨。
16. 受寵若驚。
17. 施恩不求報，與人不追悔。
18. 所謂善人，人皆敬之，天道佑之，福祿隨之，眾邪遠之，神靈衛之；所作必成。
19. 苟或非義而動，背理而行。
20. 以惡為能，忍作殘害。

21. 陰賊良善，暗侮君親。
22. 慢其先生，叛其所事。
23. 誑諸無識，謗諸同學。
24. 虛誣詐偽，攻訐宗親。
25. 剛強不仁，狠戾自用。
26. 是非不當，向背乖宜。
27. 虐下取功，諂上希旨。
28. 受恩不感，念怨不休。
29. 凌孤逼寡。
30. 棄法受賂。
31. 以直為曲，以曲為直。
32. 知過不改，知善不為。
33. 訕謗聖賢。
34. 侵凌道德。
35. 願人有失，毀人成功。
36. 以惡易好，以私廢公。
37. 竊人之能，蔽人之善。
38. 離人骨肉；侵人所愛，助人為非。
39. 挫人所長，護己所短。
40. 恚怒師傅，抵觸父兄。
41. 賞罰不平，逸樂過節。
42. 苛虐其下，恐嚇於他。
43. 怨天尤人，呵風罵雨。

44. 鬥合爭訟，妄逐朋黨。
45. 得新忘故，口是心非。
46. 毀人稱直，罵神稱正。
47. 骨肉忿爭。男不忠良，女不柔順。
48. 不和其室，不敬其夫。
49. 每好矜誇，常行妒忌。
50. 自咒咒他，偏憎偏愛。
51. 損子墮胎，行多隱僻。
52. 心起於善，善雖未為，而吉神已隨之。
53. 心起於惡，惡雖未為，而凶神已隨之。
54. 其有曾行惡事，後自改悔。諸惡莫作，眾善奉行。久久必獲吉慶。所謂轉禍為福也。
55. 吉人語善、視善、行善，一日有三善，三年天必降之福。
56. 凶人語惡、視惡、行惡，一日有三惡，三年天必降之禍。

[淨空法師專集網站\(簡\)](#)製作